

GEETELING

*N'n geeteling is steurig
Bie oons bie 't hoes te gast
Wat brökskes brood, n'n keezeköst
Da's net iets wat hem past.*

*Met het leefste hef hee pier 'n
't Is prachtig a'j het zeet
Dee trek eh zo meer oet het grös
Hee vangt ze bie de vleet.*

*Doar steet eh met zien köpke scheef
Hee kan ze schien't heur 'n
En "pats" hee pikt deep in het grös
En piermans is verleur 'n.*


*Ís toch wonderlijk a'j zeet
Wat de natuur oons gef
Dat um te etten en te lèem
Elk deer zien gaven hef.*

*En zeet ze bouwt as paar 'n nuske
Altied noar un vast patroon
En zee voert met zorg de jongen
Gin meenske zol het better doen.*

*De Schepper is een wonder
Heel de natuur löt zeen
Loaw't astebleef mer nig verpesten
Mer donders zunnig d'r op ween.*

Jan Kleinman.

Uit de bundel: 't Wödt Tied Zo Toovedan !



Geeteling (= Merel)

